 <small>BIBLIOTHECA UNIV. JACELLI CRACOVENSIS</small>	<div data-bbox="475 135 669 209">589770</div> <div data-bbox="454 209 735 261">Mag. St. Dr. III</div>
---	---



589770

III

Mag. St. Dr

FRAGRANS
ODOR

IN AMÆNO VIRTUTVM FLORE,
PERPETVO MERITORVM VIGORE,

NEC NON
Rectefactorum Immarcescibili RADICE,
EXIMIO & AD MODVM R. PATRE MAGISTRO

NARCISSO
POTOCKI,

S. THEOLOGIE DOCTORE, ORDINIS FREMITARUM S. P. AUGUSTINI
VIGILANTISSIMO CONVENTUS BRESTENSIS. PRIORE,

Ab innumeris annorum spatij intra Viridarium

Sacrae AVGVSTINIANÆ VINEÆ

Mira Magnitudinis Svaveolentiâ

REDOLENS.

Tandem

Ab A. R. P. INNOCENTIO BALICKI Ejusdem ORDINIS, STV-
DII VARSAVIENSIS MAGISTRO REGENTE ac PROVINCIAE

VISITATORE.

In Nomine SOLEATÆ CRVCIS

Ad Olfactum Vniuersi

Sub Auram nocivæ mortalitatis

DIFFVSVS.


ac Selectis Theologicis Thesibus,

PER COMITIA PROVINCIALIA BRESTENSIA.

APPROBATUS.


*Sustinente aduersarium Argumentorum vim V. P. Chrysostomo Pio-
trowski, Theologo absoluto.*

anno quo Odoratum est Divi Odorem VICTIMÆ CRVCIS 1709. Mensis Aprilis Die 21.




ZAMOSCIJ, TYPIS UNIVERSITATIS.

IN
S T E M M A
AVGVSTINIANO-POTOCCIVM.



589770 III Aug. St. Dr.
Ignes cuiq; CRVCI mos est apponere Sacros,
Quos donant voto, pectora Sancta pio,
Hinc careat propria, ne CRVX POTOCCIA, lucē
GOR SACRVM, flammās donat ab intra suas,
Ad quas; dūm SOLEÆ vestigia celsa videntur,
Posteritas Libro connotat illa suo.



FRAGRANS
NARCISSI ODOR.

Post exspirium vitæ spiraculo infi-
diantis mortalitatis, non revereberis candore ani-
matam appropriare paginam, quam *fragrans Vir-*
tutis & Meriti præit Odor. EXIMIE ET AD-
MODVM REVERENDE PATER MAGISTER PRIOR.
Fateor, plusquàm metu formidandum esset, audaciùs per pa-
ginam meum Tibi communicari affectum, satiusq; foret in i-
mis propensi Cordis penetralibus eundem residere, ne fors per
ultroneam in Te candoris excursionem, nova disaffectus eve-
niat infectio. Plusquam timore metuendum esset, ne per at-
tactum amplexus favorabilis, cordatæ propensionis contraha-
tur debilitas, quā præviā ē medio TIBI favorabilium nocuē
tolleretur *Innocentius*. At quæ Vulcania, non plùs delecta-
bili quam penetrabili cudit postes affectui? cui & Ipse expers
terminij Author Naturæ terminales non jecit colossos! Dicāt
elingves! si ora loquentium impossibilitatis stringit vinculum,
monstret natura! & mox non tam prodigium, quàm fastidi-
um naturæ imputabitur; efficiat omnium peritissimus Abari-
des! & illicò Phœnix prudentiæ efficietur; probent contro-
versæ! & protinus odio contrariam inferent sibi amoris huma-
ni conclusionem. Sciant nihilominus quod tantò violentius
affectus excutitur, quanto arctius cordi intercluditur; Ideoq;
si inscius est obstaculi pectoris candor, non miraberis quod
cordata pagina etiam timoris excludit obicem, & securius Tuæ
advolvitur dexteræ. Iam, jam move pagina gressum, me-
dellam benignitatis, non venenum repudiij à NARCISSO ac-
ceptura

ceptura. Si gradum sistis, *fragrans Virtutum* NARCISSI
te allicit Odor. Si retardas, *amæna Meritorum Ejus* te in-
vitat pulchritudo. Si non Te suffecturam meditaris, immar-
cescibilis Indolis NARCISSI vigor vigere Te faciet. Igitur ap-
propria florido sermonis passu, si remotum affectu non vis Ti-
bi fieri NARCISSVM. Aut potius time Tibi ac de alta hu-
militatis specula, NARCISSI magnitudinis percipias Odorem,
ne candore Nominis rutilans NARCISSVS, insolitam fulgi-
nis per Te contrahat notam. Eunt plerumque paginae securi-
us in appricum Vniuersi, quæ non plus laudis quam fraudis,
non plus celebritatis quam falsitatis, non plus Encomij quam
veritatis martyrij, dant Numinibus & Nominibus; ob id i-
psam non apprico Solis, ac subterraneis destinandæ caliginib?
Prodeunt animosius in Orbis faciem, & illæ effrontes paginae,
quæ a magna indole ne minimum quoque ambiunt in se de-
rivari honorem, id satis famæ habentes, si minimum Magnis
tribuât honorem, dishonorandæ vel ideo quod mutuo nullû re-
cipiât. Evolat alacris pennis arrogantia sublata pagina quæ nō
ecomisat, sed ecomisatis quærunt elogia digna; vel ex hoc vi-
tuperandæ, quia laudis expetentes. Verû quæ expers est authoris
fraudulenti Ismania, nec in astutioris Pyliistrati, non fraudes, sed
laudes, nō falsitatem, sed celebritatem, non veritatis martyria,
sed digna Encomia summis minitatur Nominibus, sicq; ne a-
liquid ejusmodi committat erroris, errabunda quasi dubitat,
ancepsq; hæret manibus appropriare dicata. Eo fundamentō
non plus florido elogij repleta sermone, quam æternum revi-
rentis affectus cumulata propensione, ocyus properans fertit,
velocius accelerans tardat mea pagina, nonque prius manibus
& oculis, sed pectoris & benignæ Tuæ, o NARCISSE! vult
subijci acceptioni, ne Tuis destinata encomisandis facinoribus,
quærat propria, neve magis cælo dignas ambiat ornare virtu-
tes, quam a Tuis ornari Virtutibus. Sed ultra suspicionem
novit Orbis, nihil unquam proprium fuisse Oratoribus, En-
comiastis, Præconibus, Summiaristis, quod simul non videre-
tur esse TVVM, ut jure merito sublimis sapientiæ, Divis simi-
landæ virtutis, eminentialis magnitudinis, (qui nunc NAR-
CISSVS es) sæpè Florum dicereris. Crediderim, ægrò quon-
dam cæteros Divos id tulisse oculō, dum TE summus Iupiter
in

in tutelam providæ nascentiū matris Lucinæ, e sinu fermè pro-
prio totum planè cælestem dederat terris: Crediderim in-
vidisse miserè, faustæ felicitati Tuæ Vniuersum mortalium
genus, dum scilicet inter infinita hominum millia, Tu quasi
Solut non homo: inter innumeros rationalium cætus, quasi
solus rationabilior perennans, eminentia virtutis, prærogati-
va Meritorum, Magnitudine Rectefactorum, Primus Pri-
masque: in Singulis cum singulis adæquatus, à singulis, ne
in unico quidem adæquandus: Par Magnis & Nobilibus, ul-
tra Maximos & Nobilissimos, Major & Nobilior superemi-
nens: Crediderim, tunc attonitam obstupuisse naturam, dum
animadverteret nihil in TE reperiri, quod intra naturæ limites
reperiri deberet; cuncta disposita fuisse quæ supernaturale con-
cernerent. Mensuram hinc cape Orbis! & vide! ne alio-
rum decrescat fama, NARCISSI postulat augeri magnitudine,
Cum Lemnate: Communicabit petentibus. cernito! quid-
quid initio dictum, quod laudis non sit dignum conclusionē?
Agnosco! quidquid sub ænigmate intimatum, quod in cor-
de omnium NARCISSO exaratum non thesauriset affectum?
Si liceret semel NOMINI TVO dicatam repetere paginam,
millena Supremis Numinibus repeterem vota, proho rogans
de poplite, ut e trichinio Sapientis Pallados bene cerebratus
promovendo TVI ulterius destinaretur Honori. Offerrem Si-
celidum Dææ meam submissionis victimam, ut ad sacrifican-
dum Gentilitiæ Tuæ Soleatæ CRVCI, e medio sui, mediam,
Sapientiam & prudentiam inter eligeret Deam Innovarem
centeni Sacrificij hecatomben cælorum ac inferi Præsidibus,
si me Tuis imparem laudibus, laude procul revocarent ab illis;
si quidem incipiens finio: enunciāns reticeo: progrediens si-
sto. Quæ plura dicam? dum dixi maxima! quæ digniora
proferam? dum protuli dignissima! quæ præstantiora nunti-
abo? dum nuntiavi præstantissima! si ultra maximos Major
es, quæ Tibi desideratur perfectio? quæ ulterior honoris am-
plitudo? nisi hæc: ut totus qua latè patet Orbis, *fragranti Vir-
tutum & Meritorum* NARCISSI illectus odore, ab imo cor-
dis summam in Te adoret magnitudinem. Quam & ego a-
doraturus, sub Nomine Gentilitiæ Soleatæ Crucis Tuo milita-
bo NOMINI. Permittes tantummodo si stertens pagina,
subli-

sublimibus Nominis Tui elevata Virtutibus, Meritis & prærogativis, à primo ad ultimum usq; honoris gradum, fidele famulat; præstabit sequito; parces audacitati, si in TE NARCISSO, nihil non floridum, in TE Flore, nihil non fructuosum, in TE fructu, nihil non redolenti fragrans Odore, deducere conabitur. Propensi Cordis iudex affectus coget stare promissis, sub vadio interposito: ut si verum TE NARCISSVM flore & Odore pagina non deduxerit, Author paginae in perpetuos disaffectus Tui Carceres deducatur.

Nunc jam sublimius assurge penna, Ne contra naturam stertas humiliter? Tuum est in suprema quæquæ avolare, ima despiciendo? Tuum est attingere celsa, humilia transgrediendo. Assurgito penna! meminèris quæ Rectefactorum NARCISSI Orbi sit memoria! *Cum Lemmate: Quasi perennaturus.* Conijcito quæ summialistarum de NARCISSO Conjecturarunt genia! *Cum Lemmate: Non revelata parvulis.* Assurge penna! & reverèris, ne in momenta sublimibus NARCISSVS intendens fastigijs, in imis Te derelinquat, cui famulatus honorifici æternum dedicasti sequito, *Cum Lemmate: Cave ne deficias.* NARCISSI est sursum crescere: Floris est Solem respicere. Caveto penna, ne fragrans Odor Virtutum NARCISSI cælum usque redolens in altum, (qui pridem à Cælitibus desideratur) in Odorem Supremo assumatur Iovi, *Cum Lemmate: Non alteri digniori.* Sed quæ condigna plusquam Dignissimo Nomini Tuo extollèdi materies? quæ accommodata nō ullis accommodanda rationibus Magnificentiae Tuae enarratio? nisi ejuspiam Divini præconis Thalybij aut Achiae, quæ necdū sufficeret, nisi divinitus ordinaretur. Mirum non pariat. Vt pote nihil non floridum Tibi debetur sermonis, qui NARCISSVS es; adeo ut quotquot Orbis numerat Oratores, quotquot Tullios, quot fulminantes ab ore Pericles, tot Nomini TVO numeret faudatarios. Alias quisquis ille Orator ad candorem NARCISSI, promovendis illius honoris laudibus non impalleceret, marcescibilia infantiae habeatur Zizania nequiquam flos virentis gloriae. At sileant etiam quos semper ore loquaci natura reliquit! ne utiquam atrescens ob id reddetur gloria NARCISSI. *Grandis lingua, & Confessio nunquam vocaliter loquitur quam cum silet.* Erunt NARCISSO

quæ

quæ etiam obmutescantibus aliorum lingvis, ore pleno loquuntur magnalia Ejus, *Cum Lemmate: Virtus ipsa sibi pretium;* Erunt NARCISSO quæ desinentibus præconibus indefinenter pariant gloriam. *Cum Lemmate: Semper vota supersunt;* Sicq; NARCISSVS continuo in flore existet honoris. *Nulla proclivior à Naturalistis floris infertur annihilatio, quam si humido destituatur vigore.* Non jam miramur in Te NARCISSO æviternum boni Nominis virorem, quia POTOCCIVS es: quasi torrens per virtutes & Merita sibi ad virorem & Vigorem; Torrens & alijs per gratias ad affectum & amorem; ex utroq; tamen POTOCCIVS. Non Phæaci scaptra tenens Alcinous hominum oculis & appetitui monstret horrorem flora; vel ideo non florida, quia vigorem in tempore amisere. Non Hesperides avriferæ jactitent viridaria, vel ideo non viridia, quia tandem marcida interièr; vel ideo non auriferæ, quia diuturnitatis mole quasi plumbo gravata evanescere. Quinimo si Hesperides & Alcinous sua præsentarent pesta, quænam principalia assignarent? si rosas, rosa impatiens æstus: si liliū, Liliū tarda cælos ambit facie: si Hyacinthum, hæc per aspera hyemis actuatur. At NARCISSO quæ adscribetur impotentia? quis defectus annotabitur? nisi ab illo qui impotens ratione dicitur, aut mente defectuosus. Exulta Sacra AVGVSTINI Vineæ! parte meliore Tui super astra feraris! quæ intra Tui viridarium, amenum virtutibus, virentem meritis, redolentem Sapientia plantasti NARCISSVM. Iustum reputo, ut nostrum omnium cælesti plantatori & Hortulano, ex odoriferis votorum supplicum floribus, æviternam gratitudinis plices coronam: qui nempe Cælestis Plantator cæteras Ordinum Vineas non minori destituit honoris fructu, dum Eisdem non destinavit NARCISSVM; Te unicam maximis famæ ditavit proventibus, quod ad olfactum *Universi* Tui visceribus implantavit Eundem. O Secreta Deitatis! o stupenda mysteria! quod corde tantisper velabam, jam subito referabo cunctis: Non alia fecundior NARCISSO debebatur Vineæ, præterquā AVGVSTINI! qui plantatis à se floribus (Sacram Ejus intelligo familiam) in Conversione sua, copiosum lachrymarum reliquit imbrem ad irrigandum Nominis AVGVSTINIANI Virorem. Non alius commodior NARCISSO vide-

B

batur

batur hortus, præterquam *AVGVSTINIA*, qui a Sole Iustitiæ derivatos in pectus sui Sacratissimum Amoris Divini radios, succrescentibus in honorem Majestatis Divinæ suæ Familiæ ramulis communicat calorem. Non aliud fecundius NARCISSO suadebatur Viretum, præterquam AVGVSTINI! qui nocivis eradicandis (rebellionis in DEVM) assuetus zizanijs, sola fructuosa Divinæ laudis plantabat roseta. O Divinam in NARCISSO præscientiam! O notatam cælitus in NARCISSO perfectionem! Cur supræma Numina NARCISSVM non fecere rosam? Suspexere procul dubio, in Viridario Sacræ AVGVSTINIANÆ Vineæ, Solis & Lunæ æstus NARCISSVM debere perpeti, rosam esse impatientem unius. Cur Alti Cælites NARCISSVM non destinavere Lilium? concludere nihilo certius, antipaticam NARCISSI in Lilio reddi Naturam, & voluere ut si citâ & tardâ cælum ambire facie, inter lilium & NARCISSVM antipaticum est, in utroque simpaticum non videretur. Cur judiciosi terrarum Definidores NARCISSVM non statuere Hyacinthum? intulere, Magnis assuetam NARCISSI Indolem, asperitatis & savitiæ non indigere stimulo, jam verò sine aspero brumæ rigore Hyacinthum non actuari. Noscant nunc Princeps & Rector hortorum Epicurus: Cernat sagax eorundem cultor Adonides Assyrius, nihil sibi novum antè fuisse, quod in NARCISSO non videretur antiquum. Videat non aliquid sibi annotari æstimabile, quod NARCISSO non sit quotidianum. Satiùs, plus quam narranda narret sæculis, tempus excedentia nuntiet temporibus, relinquat posteritati primam non posteram sibi usurpantia laudem; ea nempe: quæ rosæ, lilio, & hyacintho, hæc unice debentur NARCISSO. Si rosæ purpureus rubor, si lilio niveus Candor, si hyacintho viridi rubicundus inest color, ex his trinis divisis, quid in NARCISSO non videatur compendiatum? quid non unitum? Videre est in Eo a primis etiam incunabulis, plusquam Virginalis verecundiæ decoloratū ruborē, quem Purpurato sanguinis proprii colore, Regi Regum, ad ultimum usq; mortis pallorem consecravit. Videre est Lilio nitidiorem delicatæ conscientiæ NARCISSI candorem, quem penes, Germanus sanguine tantisper eminet CANDIDVS POTOCIIYS. Videre est in NARCISSO virorem permistum

rubori

rubori, qui non plus virefcentibus quam instantanè revirefcentibus incumbens Doctrinæ laboribus, sanguinei sudoris suffunditur rubore. Nunc dum Tuæ Vineæ (Sacræ AVGVSTINI Familiæ) NARCISSO arrident viscera, Florem hunc cui facies crescere Regioni? enjus Hortulani providæ subijcies culturæ! Ast quid quærito, dabitur terra NARCISSO. Placuit tunc Rmo Patri Mgro HIERONYMO VALVASORIO Vineæ AVGVSTINI GENERALI RECTORI, ut NARCISSVS ad Montes Vavellanos (in Conventu nēpe Cracoviensi) veluti novellus AVGVSTINO Flos, non tam probationis quam probitatis dedisset specimen. Profiteor! non aliud congruentius evenire potuerat, id præter: quod penes Florum omnis Scientiæ (Almam Academiam) Flos hic situaretur. Non aliâ temporis differentia verius Academia Florum Scientiæ dicebatur, quam dum omnis odore scibilis redolens NARCISSVS, in ejusdem confinio poneretur. Non crevit NARCISSVS directivis in latus levitatis ramulis, at totus Erectus ad alta virtutis nitebatur. Experts erat sædatæ Conscientiæ rubiginis, (quanquam flori cuiquam vix est evitabilis rubigo) ut suo NARCISSI quadraret Nomini. Vidit Dobrodzięyskius Prior Conventus ejusdem, quanta in dies augmentabatur virtus NARCISSI, qui ultra Majum recenti in Menses florebat probitatis virore. Ac tandem post Annum plantationis suæ, optimo constantiæ fructu, mira Sanctitatis sva violentia NARCISSVS exuberans inventus, voto juramenti DEO & AVGVSTINO in Odorem consecratur sva vitæ *Cum Lemmate*: Nil fragrantius DEO. Conclude nūc Sacra AVGVSTINI Vineæ, qualia & quanta vigentis gloriæ a NARCISSO sperantur floralia, qui vix plantatus, & jam fructus affert innumeros, Vix crescere voluitus, & jam in summum excrevit gloriæ Culmen. Commentuosis si fas est credere. Pœtarum descriptionibus, Divinior Pallas pro æviterna Iovis Majestati assistentia, à summo cælorū Præside eo dotata respectu, ut *Narcissus* in honore Pallados fragrantem redoleret odores; hinc exorta *Narcissus Symbolistarū inscriptio*: *Olfactus Pallados*. At minora sunt hæc, respectu grandiorū, verosimilia, respectu veriorum. Ultra figmentum vera loquor: In vim momentaneæ, sæpius elevatæ in DEVM mētis NARCISSI assistentiæ, in tantū NARCISSVS

exerevit honoris gradum, ut non jam olfactur Divinioris Pal-
lados, aut ipsiusmet Divinissimæ TRIADOS sempiternum de-
liciarum concluderetur thymiamma, *Cum Lemmate: A San-
ctis ad Sanctiora.* Iam NARCISSE sat superq; floridum, in flo-
re virtutis, virentem virore Indolis, feracem sanctimonix fa-
cunditate, Tuum præbuit animum. Appropia celerius spinis
Philosophicis, & si pungentibus ejus non suffocaberis aculeis,
ultra florē flos reputaberis. Cavendū profecto, prudentiusque
agendum, quotquot enim acuminosa Philosophiæ Te circum-
sepient dilemmata, tot lacerantes Novellum NARCISSI Ge-
nium obvenient aculei: quotquot diffugia rationabilia, tot
media NARCISSI extingvibilia. Noverint nihilominus Phi-
losophiæ aculei, non plus NARCISSVM atterere, quàm a
NARCISSO atteri posse: Qui si in communicandis Scientijs
prudentiā floridus est, in expugnandis oppugnantibus, subtili-
tate acuminis totus spinosus. O stupendam in redivivo Salo-
mone scientiam! o venerandam in Regenerato sæculis AV-
GVSTINO subtilitatem! o describendam in renato Aristote-
le plus quàm speculationem. Mereris exinde ferro insculpen-
da Memnosyna, mereris infinitas laudum adoreas. Sciat po-
steritas quæ de NARCISSO suprema judicarunt Capita, au-
diat quæ dixerunt: *NARCISSE Suppar quære Tibi Genium
humana non TE capit ratio.* O formidabilior non jam animi
fortitudine, aut doctrinæ magnitudine Alexander! quem si u-
nica non capit Macedonia, TE millena non capiunt Genia.
Ergo cum Alexandro quæres Tibi aliud Regnum, ut ad hor-
rorem Scientifici Nominis TVI regantur & dirigantur pru-
dentix Reges. Subijcies, subijcies arietantibus instantijs mū-
nitissima quæq; rationum propugnacula, Expugnabis violentis
argumenti subsumptis, vallata responsionum fortalitia. Ad ul-
timum! quid si ceu alter Alexander a nullo obsidendum, cō-
scendes subtilitatis altissimæ Bucephalum? Concluserim, quod
nullum ratione non Acephalum reddes efficiensq; Subjugave-
rat quondam potentiori dexterā Vniuersum Alexander Orbem,
vidensque nihil suæ posse resistere dexteritati, Novum sibi in-
vestigabat, & seiscitabatur. Tu si Vniuersum Philosophicum
Orbem incomparabili prudentiæ robore subdes subjugabisque,
quem alterum indagabis? nisi forte Theologicum. Et satius

Divinis

Divinis asvetam mentem terrenæ haud immorari fatuitati.
Talem sibi petunt Divina Mytheria, qui depuratā materialita-
tis crassitie, veloci penetrationis Spiritu assequatur eadem. Hu-
jusmodi invitant Deitatis secreta, qui (licet inscrutabilia) mē-
tis scrutiniō tanquam revelata habeat, teneatq; Talem TE dum
suprema quæque suspexerē Nomina, concludere: ut justo solus
qui totus Divinus es, Divinæ Te dederēs contemplandæ The-
ologiæ, etiam exinde florem gloriæ habiturus. Nunc timet si-
bi impenetrabilis Deitas, ne radix benè sensatæ rationis TVæ,
intima quæq; penetret ejusdem; reveretur, ne Divinis mēs Tua
irradicata secretis, exerceat ad ultimam usque cognitionē At-
tributorum DEI *quæ solum distingui virtualiter & ratione ra-
tiocinata,* inter se & a Natura, non verò formaliter ex natura
rei, cum omnes plausibili mente favorizent NARCISSO, in
gremium etiam veniat & ipse Scotus. At jam res extra consi-
lium, non jam pro post svadendum, ubi nunc agendum est.
Quid juvat, si Princeps Roma, salvandæ captivitati, millenos
conquirendi auri inveniat modos, si jam Annibal antè portas?
sciat sibi id certum, quod vix ferrum, nedum aurum inveniri
potest, ubi turma hostium vigil est urbis positum. Ab æni-
gmate, ad exaratam rei liceat devenire planitiem: Si hostis i-
gnorantiæ verior potentiā subtilitatis Annibal NARCISSVS
POTOCCIVS, vigili ad portas clandestinorum DEI secreto-
rum excubat mente, in cassum omnigenæ artis & sciētix Do-
mina plena Deitatis mysterijs sacra Theologia. NARCISSI subi-
jci genio, timet & reveretur. Ergone incomprehensibilis Deitas
limitato NARCISSI comprehendetur genio? Ergone Vnius
& Trini DEI Natura, Vnius solum NARCISSI percipietur
intellectu? Illimitatum vel ideo NARCISSI dicimus esse ge-
nium, quod illimitatata, definitivis capacitatis, circumscribit
limitibus; non jam unius sed trini oris dignum judicamus e-
logijs, qui Vnius simul & Trini DEI enunciat abscondita. Ex
his inferam ego, si trans sectera, cuncta revellata habentur, ni-
hilque est, quod post commissum secretum, sit quasi secretum,
Tu dum extra ultimum etiam Divinitatis secretū existis, quæ
Tibi erunt abscondita quæ non enucleata? nisi illa, quæ cum
in tēpore non sint, nec esse valēt, nec fieri sperant. Plurimorū
sæpè numero, in medium excurrit, nō tā Controversia quàm

C

con-

controvertens dubitatio: sit nè possibile ut ab intellectu creato, saltem lumine gloriæ confortato possit videri Deus? NARCISSVS vix primò, oculò primam Theologia respexit paginam, & jam in lumine gloriæ, tanquam virtute supernaturali totali DEUM posse videri, fatetur & profitetur. Disputat plerūq; rationabilior disceptantium sermo de modo sciendi futura: NARCISSVS vix preliminaris Theologia suam dirigit rationē, & jam efficit concluditq; futura contingentia absoluta esse presentia DEO ab æterno secundum existentias reales & Physicas, quas in tempore habent, hancq; presentiam esse necessariam ad hoc, ut scientia quam DEVS habet de illis, sit intuitiva & invariabilis, non uerò ut sit certa & infallibilis. Datur in multis ancops dubitatio, an absoluta ex parte subiecti, conditionata uerò ex parte objecti reperiantur decreta in DEO, in quib' certo & infallibiliter conditionata noscantur evētura? NARCISVS vix decrevit absolute ex parte sui dignissimi subiecti, & conditionate ex parte nobilissimi Theologia objecti, ejusdem incumbere lugubrationi, & jam decreta talia una cū cognoscendis conditionatis futuris decernit reperiri in DEO. Innumeri errabundi quasi excutiunt, lumen libertatis Divinorum actuum indagantes: NARCISSVS vix liberam actuum suorum dominam Reginā scientiarum subjugavit Theologia, & illico indifferentia volitionis indivisibilis necessaria ad varias denominationes oppositas penes ordinē addiversa connotata extrinseca, Divinorum actuum inniti libertatem, pro rato & explorato ab Augustinianis, æ viternis mandat marmoribus. Pervicaci animo insistentes pleriq; velum ferme Thymantis oculatæ sacrorum textuum iniiciunt veritati, an potius eandem Zeuxidis adumbrant coloribus, quicunque Electionem prædestinatorum ad gloriam, negant esse gratuitam: NARCISSVS Sacra Scriptura evidentibus innixus textibus, insequitur vestigia PATRIS sui AVGVSTINI tanquam pro Aris & focis decertare paratus, non aequè ex prævisis meritis prædestinationem, ac reprobationem fieri ex demeritis. Tam arduam & inexplicabilem quidā putant discriminis rationem, cur processio SPIRITVS S. non sit æquè bene generatio ac processio VERBI, ut nonnulli cū Magistro non dubitent affirmare, ejus rationem in hac vita esse absconditam: NARCISSVS vix processionē Spiritus S. m-

nerum

nerum in benedictione Procedentis VERBI in se terminatam recepit, (unde eidem propria ferme Theologiarum sultavit generatio) & ecce plus quam viator ejusdem S. PATRIS 9. Trin: ca: 10. referens mentem: Eò Filius quò Verbum, & eò Verbum quò Filius; Angelicam discriminis infert Conclusionem, quod scilicet Processio Verbi, eò quod sit per intellectum, est generatio, non item Processio Spiritus S. eò quod sit per voluntatem. Nutant subtiles Thesei voluntq; è procella difficultatis ad portum fortunatæ cognitionis, hisce solutionis eliberari remigijs, dum cum suo subtili Antesignano tuentur: dicere & intelligere (idemq; de velle & spirare) qui actus sunt principia proxima Divinarum Processionum, esse duos actus formaliter ex natura rei distinctos: NARCISSVS subtiliora de Trinitate scrutando arcana, indistinctim prædictos Actus Divinis convenire Processionibus, communi fatetur Oraculo. Et si hi Theologici in Vineæ Augustiniana NARCISSI Odores, procul sint ab humanis sensibus, qui naturæ fines non exeunt, nullum tamen Sacramentum secretius, & olfactu magis difficile, quam Sacrosancta Divini VERBI Incarnatio. Arcana Prophetarum Oracula & Scripturam textus mysteriosa sensuum multiplicata complicatos S. P. AVGVSTINVS splendidissimum Ecclesiæ Lumen 7. Conf: mox ut fidei fuit gratia illustratus, fatetur se novisse: atquid Sacramenti recondere, VERBUM CARO FACTUM EST: nec suspicari potuisse testatur. Mysterium hoc vincens scientiam nostram, Iob Cap: 36. novit NARCISSVS, statuitq; de illo Dogma: supposito peccato & decreto reparandi hominē, tum satisfactione ad aequalitatem pro offensa, quæ est simpliciter infinita; necessariam fuisse Incarnationem VERBI Divini, cujus satisfactio fuit actus rigorosæ Justitiæ. Heu quantis difficultatū nodis stringitur humana ratio in concilianda impeccabilitate cum Ejus libertate! NARCISSVS circa omnem difficultatem Delphico verior tripode, pleno edisserit oraculo: Liberum fuisse, stantibus, impeccabilitate, derivata proximè & formaliter ab infinita Sāctitate substantiali Humanitati Suae unita, & stricto præcepto subeundi mortem. Deviant plerique in momenta à recto certitudinis tramite, qui implicatū incertitudinis Labyrintho, in Lege naturæ negāt vera fuisse Sacramenta; NARCISSVS vix Sacramentis sacram adhibet mentem, & statim e-

C 2

terna

ternae Veritatis inscribit codicibus, tam pro adultis, quam pro parvulis in remedium Originalis & Actualis peccati in lege naturae vera fuisse Sacramenta, non particulariter à DEO determinata, sed hominum relicta arbitrio. In varias multorum sententias abiit causalitas & vis Sacramentorum novae Legis quibus NARCISSVS dum astruit Physicam simulq; affirmat posse dici instrumenta moralia DEI respectu productionis gratiae, quis negabit non conciliare diversas illorum Opiniones? In Transubstantiatione Sacramentali pereunte substantia specierum, mirum quot non emanavere dictamina rationis! NARCISSVS tam alto mysterio dum profundam applicat mentem: veriori illud videtur intimare definitione, asserens: non posse esse solum productionem novae ubicationis internae, neq; modi extensionis, quo CHRISTVS fiat de novo praesens & coextensus speciebus, neq; esse ullam formalem unionem corporis cum speciebus, sed esse actionem productivam totius Corporis CHRISTI sub illis. Mortificavit item impingvata controvertentijs genia, dum in eorundem remorsum, absq; remorsu suspiciosa falsitatis evidenter NARCISSVS exaravit: Merita per penitentiam mortificata, non reviviscere secundum omnem gradum meriti, quem ante peccatum praebebant, est juxta quantitatem praesentis dispositionis, per quam scilicet penitens resurgit. Plura paucis complectendo, si in alijs aut verisimilia, aut quomodocunq; dubia de Theologicis videntur, NARCISSO non aliquid verisimile, quod non prius verum, non aliquid dubium, quod non prius sit determinatum. O fecundiorum scientiae florem! qui non multa satis indigens doctrinae cultura, inestimabilem Dijs & Orbi dedit scientiae fructum; o florem plusquam floribus anteponendum, qui principiantibus studij excultus primordijs, non ullis eradicanda in contrarium rationibus, jecit in alios doctrinae semina. Ultra cetera dicere vellem, multum placere Deitati, si NARCISSVS in contemplandis Divinis, syavivomo redoleat odore; sed minora sunt haec: existimare plus placere, si a contemplandis ad attrectanda Divina se destina- ret. Satis scilicet flos hic odoriferus, virtute, meritis, sapientia, redoluit Orbi, necesse est ut ipsiusmet DEI consecratur Aris. Tempus est, ut NARCISSVS a contemplabili DEI ad palpabilem ejus deveniat terminum. Ast etiam in tali termino,

sic

10
sic NARCISSVS digne suas ordinavit actiones, ut nihil reperiretur quod peculiari non deberet tangi elogio. Satis dicere est, quod immaculatus Agnus, qui pascitur inter lilia, dignae pascuae locum reperit in NARCISSO. Summam hujus concludere est, quod sub Eucharisticis velatus speciebus, non alibi dignius residebat Regum Coronator DEVS, quam in liliata pectoris NARCISSI Majestate. Verum post tot exantlatos labores, quos ad invidiam saeculorum usque, DEO & orbi praestitisti, Divinior AVGVSTINIANAE Reipubl: Athlas, submite Orbe majus Caput Tuum redimienti coronae. Tolle sublimius pedem ad alta dignitatum fastigia, quod non jam caeca Vi- am monstrante Dea, sed laureata, floridum iter palmis virentibus struente ibis scientia; En jam Crasnost: Cathedra lumen veritatis à TE receptura in sui Te pertrahit sinum, quam cum gestientibus summis Eiusdem Praelatis ascendisti, videbaris e suggesto fulminans ab ore Pericles, quibus eloquij Tui fulminibus, non jam territa sed concita corda hominum, Te prodromo Duce, grata contritionis DEO fuere victima. Stupebant attoniti non semel incolae, ac verissimum zelantis Eliae mirabantur Spiritum. Pendebat saepius ab ore Tuo, intentus sermoni Apostolico Illustrissimus ac Reverendissimus Dominus STANISLAVS SWIECICKI, EPISCOPVS Chelmensis, qui Pastor Optimus suum ovile, jure merito, sanctissimo Tuo reddi debere Regimini, summus nunciavit Regni Capitibus. Hinc Te ob ineffabilem vitae sanctimoniam, ob inauditum Divini honoris zelandi rigorem, ab ipsis statim residentiae TVAE primordijs, intimum sibi fecit Achatem, nec non authenticum secretorum contentum. Nulla tunc Illustrissimo PRÆSULI oblectabilior conversatio, cujus Assessor non esset POTOCCIVS, nulla sapidior mensa, sub tempus cujus Antistes Reverendissimus, Visione NARCISSI non satiaretur. Ipsi Perillustres Cathedrae illius CANONICI, honoris coronam sibi praeripi in- videbant, si unus praeter alio, gratissimam POTOCCII in sui penetralia reciperet praesentiam. Dolent hucusque illius Cathedrae Sacri parietes, qui dum à Tua Magnitudine, immensum olim mutuarentur honorem, illo tantisper gloriabantur, non jam parem ab alijs sibi pollicendo decorem. Inde ad Majora Sacrae Religionis vocatus Officia, qui Primus semper virtute

D fuisse,

fuiſti, Prior Wickoviēſi deſtinariſ regimini; dicat obligata TVO Nomini Conventus illius Familia, quem Te fuiſſe novit Patrem an Priorem, qui in obeundis Divini Officij functionibus Prior fuiſti, in providendis filiorum opportunis, Pater & Mecenas. Quanta ſollicitudine domeſticos, qua modeſtiæ methodo extraneos, qua morum & virtutis ſcavitate Benefactores, fovit, melioraſti, conciliaſti! In quibus ærumnarum moleſtijs vix prominentes Eccleſiæ illius muros, ad eminentiā perfectionis ultimam eduxiſti, diſſipatos hinc inde lateres eviſcerato in id præmeditationis Tuæ cerebro, calce veluticoadunaſti, diſſuſo ubertim ſudoris liquidò alveo, coaleſcere feciſti. Extra veritatis colorem palam proſitemur, illud Divinitatis ſacrarium, Tuæ indiſtriæ opulentiſ dotatum proventibus, ad hanc uſq; diē ſubſiſtere; verè Tu Author perfecti operis, qui unico Prioratus ſpatio perfeciſti, quæ in longioribus Prædeceſſorū Tuorū antecedaneis luſtris fieri nequibant. Si liceret cōcurrētib⁹ ad id ſummiſ Fūdatorib⁹ v. minimū derogare honoris, excluſo ab adiutrice illorum dextera foundationis titulo, Tibi Fūdatoris nomen adſcriberemus. Aſt move ulterius greſſum, jam Te Patrem novit Viteſoviēſis Familia. En iteratis vicibus advolutus plantis, Te invitat ſacer Craſnoſt: Cōventus; retorque pupillam, quibus cruciatur cordolijs, qui ſancitorum ſpoliatus legibus, Tua vult inveſtiri proteſtione, Te ſibi petit vindicem, Te quærit Patronum, Tuò prodromo Prioratu, meliora prioribus, vult effici poſteriora. Iam accelerat vindex juſtitia Reſimonides, feſtinat amās Boni Publici Cocles: Vixq; acceleravit, & ſubitò in adventu illius, quæ olim perierant Boni Publici commoda, advenere. Plusquam laudabiliter jam ſemimortua, vivaci rigoris ſpiritu reſuſcitavit jura. Magnum tūc vitæ ſubiſti diſpendium, quando ſalutis Publicæ intentus negotijs, propriæ non meministi. Summopere id placuit *Illuſtriſſimo Domino FELICIANO POTOCKI*, Palatino Siradienſi Capitaneo Craſnoſtaviēſi, ac poſt Caſtellano Cracoviēſi, Duci Exercituum Regni, qui videns Te luctantem ſapius pro Bono Publico Fabium, ad recolligendas vires, in proprii Cordis penetralibus feſſo Tibi dedit quietem. Videre erat quomodo Univerſa Illuſtriſſimi Palatini Aula a Tuo pendebat nutu,

tu, videre erat quantum venerationis ſubmiſſæ Tibi dabat homagium, in Te Perſonam Illuſtriſſimi venerando, ſimul quoq; Tua in Illuſtriſſimo Duce. Non proponimus omnibus antepoſenda in hacce Illuſtrima DOMO, Tua ſumma merita, quib⁹ elevatum laudationis cujuſlibet ſtylum exceſſiſti. Reticemus prædicandam in benegerendis protunc magnitudinem, calculo non ſubijcimus, quos & quantos ibidem Poloniae Proceres & Dynaſtas victrice Tuo animo ad amandum ſubjugaviſti, ut Tuo nutui cunctos concordantes, Tuæ petitioni omnes faciles haberes. Crearis tandem Cracoviēſis Prior Digniſſimus, cæteris mox Te manentibus ſaſtigijs, ut nullus honor ſit in Auguſtiniana Repub: à quo tu non honoreris, nulla prærogativa, quæ Tibi ſuum prærogaret gradum, nulla dignitas quæ non Te dignari meditetur. Qualem Te ſpectavit vibranti palpebrâ, gentilitia Metropolis illius, ad valvas excubans Aquila? ſatis dicere eſt, quia non degenerem Te judicavit pullum, qui irretortò oculò, Solem non occidua gloriæ Almam inſpiciebas Academiam, quæ licet, Sereniſſimorum Poloniae Regum inſignita Sceptris, ſatis ab innumeris annis ſplendoris habuit, nunquam tamen Illuſtrior ſibi viſa eſt, priuſquam Tuo ſubtiliſantis rationis illuſtraretur lumine; ob quod Regalia Sceptra Ejus Tuis ſubmittebantur plātis, coronam redimendo Capiti Tuo non denegantia. Sed extra hanc debebatur Tibi & alia intra viſcera AVGVSTINIANI Regni longè obligator, qui cunctorum hujus Regni incolarum deſideria coronabas. Cuncta inibi Regiò digna nomine perpetraviſti, qui Trajano parem in imperando clementiam, Gratiano non abſimilem in fovendis filijs affectum, Iulio adæquandam in dirigendo prudentiam, geſſiſti, obſerviſti, prætuliviſti. Studium Philoſophico Theologicum Eidem incorporatum Conventui, plurima ſupeditata recepit a Te gratiarum media, ex quibus in forma gratitudinis, æviterne Panegyris formavit Tibi ſyllogiſmos. Nō abſq; ſecreto gentilitias Metropolis illius ſubintraviſti Valvas, ex illis namq; ad majora capeſſenda amoris & honoris incrementa, porta Tibi efficietur triumphalis. Sic NARCISSVS penes Regalia Sceptra benè promovendo aſſvetus Regimini, quamvis ultrici ſclerum Reginae, Tribunalitiæ in conſortium datur Themidi (Prior Lublinenſis) Ipſe tamen non ultor ſed exultor

tor defectus Subditorum. Dum Te Divi Calites ad ponderantem Iustitiæ libram statuere, bonis Avibus nostrâ ferri fortunam affirmamus. Multis ab annis cupidò optabamus anhelitu, ut tandem aliquando æquâ lance, Authoritatis Tuæ immensum libraremus pondus, & ecce causare Superi, ut ad Sacræ Thomidos dependium, Tuam ponderemus Magnitudinem. Neque solum hæc unica Tecum nobis exstat actio; ante Sanctum & Iustum Tribunal venisti, mox nostram attentabimus causam, ac nostras Iudicio explicabimus prætensiones: Probè sciisti quantis Te dilectionis invinculavit fascibus Iagellonico-Academic' manipulo sub dato condito, ut nunquam illius subterfugeres consortiū? Tu nihilomin' immemor obligationis juratæ, aliorum Te reddis commertio! Certus fuisti, quam numerosa Conventus Metropolis ejusdem, non derelictionis contraxisti debita? tot creditores, quotquot Tui amatores concernens, in quorum fidem proprium fraudis nesciū peccus, exaratum, veluti certificationis dedisti paginam? attamen sine præmissa quieratione, alteri illaberis Regioni! Heu quam festinans Metropolis illius Aquila expansis petitionis suæ alis, ad ipsas usque Lublinenses portas insequabatur tot laborum defessum æstibus sub umbram invitans alarum suatum! Tu verò quasi non ejusdem pullus Aquilæ, renunciaſti, aliū sibi inquisiturus nidum? Nefas est! actum de Te ò NARCISSE! Iudiciaria nos pacificet stuba. Nec inefficaci potita sine attentata Causa nostra, dum per unicum ferme temporis instans, ab universis Iudiciariæ stubæ Deputatis, stricto charitatis ligatus vinculo, ad imam cordati amoris POTOCClus destinatur turrin. At non solum in Augustis Iudiciorum stubis, dignus charitatis vinculo POTOCCIVS, verum etiam in Sacratiss. Altissimo Numini Conventus Lublinensis penetralibus. Copiosos Vitkovienſis Basilica à POTOCCIO derivavit in se liberalitatis torrentes, sed his n̄ contentus, uberiore sinu Lublinensi stillat alveos, ejus inanimata altaria vivo pro Te perorabunt spiritu, nec unquam deficient, cum Tuis sint animata gratijs. Sacri parietes, in plana sui superficie planum, & laudis plenum monstrabunt Orbi NARCISSEI Nomen, ceterosa Sacrarj illius pavimenta, determinatum Tibi negabūt honoris centrum, ut ultra & ultra enitaris ad altiora, Sanctus

arij

arij Ejusdem Colossi in sui verticibus, statuunt Avitam SOLEATAM CRUCEM, omnibus adorandam, cunctis amplectendam, singulis exosculandam. Postquam Cor Majestatis Regalis subintraſti Varſaviam, non sine eminenti Virtutum Majestate, non sine concomitante rectefactorum assistentia, non absq; pretiosissimo omnigenæ honestatis ornamento Prior Dignissimus illius Conventus es receptus. Ut verò inspicere Te Metropolis illius Syrenes, corda hominum sopienti concentu gratissimum Tibi cecinere salve, ut potè Illi, qui nō scyllarum latrantium, non charybdum insultantium revereris impetus, sola commoda Subditorum sibi respiciens; cecinere inquam, hoc suavissimo cantu inaugurantes, in Tuo Regiminis tractu cuncta prospera eventura, tanquam ab Eo, qui omni faustitatis titulo Felicianus alter videbaris. Ante singula Tui Regiminis præliminaria, dum bellè Filiorum cordibus, amorem DEI ac proximi irradicaſti, Temetipsum, ideam morum, sinceritatis compendium, sanctitatis exemplar, sacrarium humilitatis, speculum mansuetudinis, animam Religionis, vigorem temperantiæ, sectamen observantiæ, methodum benevolentiae, Authenticon rectitudinis, portam honestatis, Virtutum Capitolium, modestiæ reclinatorium, contemplationis motivum, penetrale Iustitiæ, Icona pietatis, retractum misericordiæ, oculis ac obtutibus totius posuisti Familiæ. Dum Te innumeris distractū curis Sacra illius Conventus Familia, oculis non menti subtractum videret, imaginativam Tui semper repræsentabat ideam, in singulis sectandam actionibus, in ullis non declinandam negotijs, quam adeo suæ impresserat memoratiæ, ut, si ve indulgeret Divinis, Tuam pietatis sibi desumeret normam, si ve Divinæ incumberet contemplandæ bonitati, sanctæ meditationis Tuæ præferret modum. Sub Tua directione, præstolantium desideria Filiorum optatò gaudebāt effectu, petentium submissiones desideratò sortiebantur bono, expectantium promissiones, replebantur immensitate compromissæ gratiæ. Tumuit quondam ultimus ex Scionibus scipio, & Patrio contentus honore, nihil addens gloriæ Rectefactorū Genitoris, ad coram Romanæ dicebat Reipubl: non jam sufficere honoris subselia, quibus ille non sufficeret, cum ad decorandum Scipionem, una aliteri præriperet palmam dignitatis. Nisi innata mens humilis denegaret Tibi, gloriari congruentius posses, etiam ultimo scipione major Scipio, quem fa-

E

stigia-

Rigati honorum gradus, dum Sigillatim honorare nequeunt,
principaliter omnes in Tui devolvuntur sinum, ne inustam si-
bi habeant notam, quia fastigia dignitatis excedentem NAR-
CISSVM, Satis non decorarunt, cum tamen multum deco-
rentur ab illo. En video, pater Tibi honorum Capitolum,
hinc dignitatum porta triumphalis, stant referata omnis emi-
nentiae Augustalia, etiam ultro promotionem oblatura, quam-
vis recusares. Pro auro inscribendis, argento insculpendis ma-
gnitudinis Tuae exemplaribus, dignum Te judicant Capita,
ut terrae auro, ac argento mananti redderis, Prior Convēt^{us}
Ikussiensis. At NARCISSE velocius inibi fessis Viribus TVIS
peremitte aliquantum dulcis quietis, mox enim ad Te Patrem
Patriae universum convolabit AVGVSTINI Reipubl. Corpus,
ut aliquid de Tuis gratiae possit communicare metallis. Collige
in tot laborum anfractibus dispersas vires, illico naq; Dignissimi
Provincialium Comitiorum Assessores appropriabunt, ut sub Tua
Paterna dextera, auxiliarem Boni Publici opportunis queant
porrigere manum. Benè est: appropient celerius, convolent
oculus, non recusabit NARCISSVS, pro Bono Publico etiam
inter agmina hostium cum Decio ruerè paratus, modo salvam
restituatur Reipubl. Non renuntiabit amans Patriae Agesilaus,
ad eviscerationem quoque ultimam, tueri Publica, modo suis
comodis gaudeat sparta. Factumq; est ut universa AVGVSTI-
NIANAE Reipubl. Corporis membra, in omnigenis commo-
dis, sufficienter praevisis opportunis, non jam ex in viscerata
Ikussiensis terrae metallorum massa, sed ex conquistis NAR-
CISSI industria sumptibus, benè suae consulendo Patriae, sub
Paterna Ejus dextera, suum peregissent negotium. O nullis
unquam oblitterandam saeculis benevolentiam! o munificam
dexteram albo perennitatis norandam calculo! o infinita NAR-
CISSI merita in Reipubl. AVGVSTINI. Cum regratifican-
dis Ejus gratijs, non Te parem videas AVGVSTINI Familia,
quonam remunerabis? nisi unico in Te Tuisq; Successoribus
aeternum perennante affectu. Discite saecula, si quem aman-
tiorè Patriae, avidiorè, Publici commodi vidistis vel auscultastis!
discite! quomodo nō Coelites, nō Fabij, non Epaminondæ, nō
Cassij, non Petronij, nō Trivalles, non Thesiphori, non Pelo-
poidæ, non Diogenes Syracusani, similem amoris Patriae dāt
NARCISSE aequalitatem, qui tamen, non solo amore Patriae,
sed omni quā par est titulō, Maximis etiam adaequari potest.

Eximig

Eximio olim Patri Magistro GRABINSKI PROVINCIALI
in Secretarium delegatus, non unquam dignosci poterat gere-
retne Personam Secretarij, an Provincialis, adeo ut quoquo
votum se exhibuerit, pro Ephestione Alexander reputaretur,
non unquam tamen erravit, quisquis in Ephestione Alexandrū
adoravit, nam & hic Alexander erat, par magnitudine, corre-
spondens virtute, adaequans dexteritate. Senarium Magistro-
rum Provinciae numerum haud memoro! in quo receptus car-
do Ejus haberis in praesentem usq; diē. Dignissimus Diffinitor
aut Visitator Ejus quoties destinabaris, toties Tuis innixa hu-
meris, procul omni videbatur periculo, ac inscia fuit omnis
ruinae. Ast gaudet hucusq; hisce privilegijs, tantisper indefes-
so Ejus incumbens Brachio; inter fortunatas, quasi sola fortu-
natio, inter venerandas, quasi sola Venerabilior, inter perē-
naturas, quasi sola perennior, inter stabilitas, quasi sola stabilior,
bajulante Succollatore NARCISSE. Sed haec quae Nos maxi-
ma mirabamur honorum fastigia, praeliminaria Tibi fuere ac
penè dispositi gradus ad majora & digniora capeienda. Libe-
ris votum suffragijs, unanimi Electorum animo, ac nemine
contradicente, post illas praefusiones non possessiones Honorū,
in coronidem meritorum, plausibiliter, sollemnissime, ac fortu-
natissime PRIOR PROVINCIALIS declamaris. Io trium-
phe! Quibusnam immoraris plagis buccinatrix gloriae fama!
quibus te dedisti Orbis Trionibus? videſne quanta NARCIS-
SVS reſloruit magnitudinis auge! regredere, regredere ac Illi-
us denuntia magnitudinem. Dico Orienti! sub NARCISSE
regimine, AVGVSTINI Familiae in dies orituram gloriam;
dico occidenti! AVGVSTINI Familiam non unquam oc-
ciduum honoris sibi polliceri mane; dico meridiei! AVGV-
STINI Familiam Orbi & Astris meridionali dignitatis semper
affulsuram splendore; dico Septentrioni! non unquam ad-
versitatis aut iniquae sortis posse experiri Aeliam, dum sol ho-
norum NARCISSVS in sphaerico Provincialis eminentiae gradu,
serenam sistit faciem. Tantum Tuae confidebat magnitudini a
primis etiam Provincialatus inceptivis AVGVSTINI Familia,
ut etiam ipsorumet Astrorum iniquam sperneret sortem; tan-
tum audebat in vigore summæ Virtutis Tuae, ut ipsas Elemē-
torum despiceret causalitates, in TE Unico cuncta repertura.
Et merito hujusmodi de Te judicavit, quae posthac in Tuo re-
gimine oculis attrēctavit; cuncta adversa ludētis Deae jacula,

E2

in No-

in Nomine CRVCISTVÆ ad ultimam Orbis repressa Thule;
 cuncta fortunatissima SOLEÆ TVÆ indagata vestigio. Nul-
 lum non momentum Tui erat Regiminis, in cuius spatio Pu-
 blici commodi non regeres negotia; nulla non hora, quæ gra-
 tioso in providendis Filiorum necessarijs, non deberet adscribi
 anno; nulla non dies, quæ sereno liberalitatis Tuæ nõ debere-
 tur ortui; nullus non annus, in cuius clapsu dignæ exolutio-
 nis Officij Tui AVGVSTINIANÆ Reipubl: non dedisses tri-
 butum. Ideoq; faudatarios Tibi, ac nutui obediētes singu-
 los agnovisti, quia faudum Officij Tui dignè exolvebas. Si
 quæ, Boni Publici commodis a Te desumpta dies, solitam fi-
 lijs, in elargiendis necessarijs, non absolvisset legalitatem, cum
 Vespasiano summo conficiebaris dolore, ab imis Cordis Tui
 ingemiscens visceribus: *heu diem perdidimus.* Tui ipsiusmet
 oblitus, in commune totus ac totus effundebaris bonum, ipse
 Tibi deesse visus, qui cunctis præsens gratiâ fuisti, Ipse nõ Tu?
 reputatus, qui noster fuisti. Ac tandē cum Univerfam Reipu-
 blicam Germani Fratris Tui reddidisti succolationi, cum sum-
 mo planctu ac mærore Filiorum, Prior Brestensis ordinariis.
 Inibi quātō Virtutis fulsisti luminē! Soli iustitiæ perquam cla-
 rum, quantā exuberabas mansuetudine! Agno māsuetissimō
 satis revelatum; quantā abundabas iustitia! soli ponderatum
 Themidi; quantam animi præferres magnitudinem! Suetico
 notum Leoni, cuius impetibus TE invincibilem, invasionib?
 fortissimum, oppressioni Heroem in defendenda Familia præ-
 buisti, opposuisti, demonstrasti. Sed præter omnia illud uni-
 cum vix non majus omnibus, millenis exadorandum Panegy-
 ribus, innumeris adscribendum Synopsib?, illud nempe: quod
 nunc, post exspirium nocivæ mortalitatis, fortunæ simul &
 vitæ exanimantis spiritum, ab infestantibus quoque hinc inde
 malorum prædonibus, destitutam necessarijs ad peragenda sua
 Comitia PROVINCIAM, in Sinum Paternæ protectionis &
 providentiæ recepisti, ac penè spoliatam, investiturâ munifi-
 centiæ adornasti; id ipsum in hunc ordinans finem, ut qui Pa-
 ter Patriæ pridem esse didicisti, Pater esse non diffescas. Pro
 his Magnitudinis Tuæ FLORIBVS, pro Virtutum FRVCTI-
 BVS, pro Redolente Meriti ODORE, Vide? quantum Tibi
 AVGVSTINI FAMILIA dat pretium, quanta sculpsit
 Aternitatis gloriæ Memnosyna!



PRÆFATIO LYRICA.

*Alnis & armis amulus Hercules,
 Virtutis alta Theseus armiger,
 Mirtina querens musta velox,
 Trans Dedali properavit aulam.*
*Quam cum locatam sub labyrinthis
 Audisset antris, totus in ausibus
 Perplexa currit per locorum,
 Mirtineum cupiens odorem.*
*Et sic remote diffusus amplius
 Plusquam trecentis passibus, ambigit
 Se vertat in quam viarum,
 Tramitibus stipulatus ultro.*
*Tandemq; stertens noctivagus cœli
 Lamenta cordis congeminat sibi,
 Et poscit ut dextrâ Tonantis
 Se valeat liberare casto.*
*Miserata casus sat miserabilis,
 Regalis ortus Filia, Theseum
 Ne perdat errantem per antra
 Rectificans Ariadna salvat.*
*Expertus olim quæ sibi Theseus,
 Timenda sunt hæc nunc etiam mihi!
 Odorem nè Tuum perquirens
 In meritis probitate, sistam.*
*Ignarus, anceps, penèq; nescius,
 In quæ viarum me modò conferam,
 Quodsi dicabo laudis alta
 Vestigijs meritisq; passus.*
*NARCISSE virtus dicito quid TVÆ?
 Equanda summis Numinibus propè.
 Quid facta cali digna laude
 Perpetuis numeranda sacris?*
*Anfractus an non sunt labyrinthi?
 Quos multa cingit semita gloria,
 POTOCIORVM trita passu,
 Calcaneò SOLEÆ repressa.*

Per hanc cucurrit celsus omnibus
 Honoris ingens fastigium, decus,
 NARCISSE: haud linquendo signa
 Vestigij, calamo sequaci.
 Heu quot sequuntur laudis adorea!
 NARCISSE passus vix numerabiles
 Majestiosa mentis in TE
 Assiduâ residentis horâ!
 Nituntur heu quot! praconijs Tuum
 Efferre Nomen celsa sub aethera
 Equando summis & probatis,
 Laude procul Genijs remotis,
 In illa sed non abdita passuum.
 Venire possunt, nota POTOCCIIS,
 Occulta multum sed trecentis
 Seclaneis SOLEAE decora.
 Hinc si trecentis, par nequeunt dare
 A TE peractis, sequito passibus,
 Fac parce si fors deviabo
 Cum Thesco vagabundus acsi.
 Andebo prorsus nunc animosius
 Sequi triumphans vestigium TVI,
 Magnamq; Virtutem requiram,
 Et meritum redolens odore.
 Erroris autem casus ad ultimos,
 POTOCCIORVM CRUX mihi prodromam
 Se monstret, ac ostendat ansam
 Ut moderans ariadna quondam.
 Nunc nunc Poesis, qua pedibus TVIS
 Metiris inter Carmina semitam,
 Attende qua vel quanta tento!
 Et pedibus faveas eisdem.
 Aut Tu Deorum Frons, Cybeleia
 Conjux Saturni vecta leonibus,
 Subsiste prensans frena, currum
 Quadrijugum tribuas petenti.
 Ibo remotò concelerans pede,
 Excelsa curram quamvis ad aethera
 NARCISSE quo me ducet in TE
 Summus ODOR probitatis, ibo.

Sum

Sum certus haud quòd stertat in abditis
 Majestiosa lux Sapientia:
 Virtute quam magnâ ferebas,
 Fersq; modò, superando cunctos;
 Ast celsa per quam prominet altius
 Et fulget ut Sol, plenaq; Cynthia,
 Splendore per mistum nitorem
 Syderibus mutuans coruscum.
 Accensa nunquam conlatitat diu
 Lucerna, sed mox spirat in aethera:
 Tu Nostra cum sis Fax refulgens,
 Aetheream resides ad arcem;
 Et sparsus amplè sub redolens ODOR
 Inclusus arctis sit penetralibus,
 Quarendo sui centrum meatu,
 Illic tamen citius vaporat.
 NARCISSE cum sis FLOS redolens bonis,
 Calos ad ipsos, dotibus indolis,
 Arciare TE non ulla claudens
 Penna potest; quia summa spiras.
 Exinde noscas propositum mei,
 Caelestis es quòd totus in adibus,
 Non scrutor orchestram per Orbis
 Caliculis TVA nota gesta,
 Quae clara monstrat, Maximus omnium
 Praeses Decorum: tamq; perennibus
 Praesentat annis ac diebus,
 Ut vigeat TVA Fama semper;
 Et Sacra Magna Regia Palladi
 Referta sortis, in parietibus
 Suismet TE notavit dignè,
 In gremio situans scientium.
 Majora dicam! si veniam dabis
 Plus ultra Magnis, Major & altior
 NARCISSE prudentum nitefcens
 Gemma, Boni pretij, valoris.
 Dixere summum, Numina, Calitum
 Mandasse dictis id sibi serio
 Dico per, lustra per, momenta,
 Ut renovent TVA laude facta;

F2


Desi-

Desistat & si, Caelitibus Dijs
 Indicta laudis Tui renovatio,
 Narrabit ævum, tum loquetur
 Posteritas bona gesta vitæ,
 Loquentur imò pectora, quæ TVVM
 Portant honorem, ne ruat ocyus,
 Semperq; Virtutem perennem
 Cordaneis tabulis ferent in.
 Hæc hæc debentur cuncta POTOCCIO,
 Qui tot peractis sæpè laboribus
 Intendit, & patrat recentes,
 Hos reputans, quasi lucis umbram.
 Quodsi liceret vel curiosius
 Narranda plusquam, dicere singula,
 Quibus TE sæcla complerè,
 Tempora deficerent, diesq;
 Hinc Roma Tanti conscia Nominis,
 Hæc vota dixit: virvito faustius
 POTOCCIORVM Splendor ingens,
 Atq; decus SOLEÆ CRVCISq;
 Impleta lustris virvito sæcula,
 Ignara casus virvito tempora,
 A corde quæ poscitur, teneto,
 Omnigeno radies honore.
 Quos ut facienti Maximus omnium
 Triumphos dextrâ firmet, & ampliet,
 Propensa multum Corda Nostra,
 Hos cumulant geminantiq; plausus.
 Præclara Vestræ CRVX Domus inclytæ
 Semper coruscis splendeat ignibus,
 Accendet illi quos perennans
 Posteritas stimulata factu.
 Hæc CRVX Tuorum prævia passuum
 Gen Stella fulgens, se TIBI prodromam
 Demonstret ad ducens curules.
 Vestigijs SOLEA repressis,
 Quodcunque Romæ fastigium datur,
 In TE revolvant Optima Numina,
 Tiaras, & galeros dono
 Quantorū tribuant rubentes
 Nihilq; restet fastigij, gradus,
 Quod non feraris summus ad æthera
 NARCISSE Magni FLOS ODORIS
 In MERITIS, PROBITATĒ
 FRAGRANS.

 AVGVSTINIANVS ORDO
 SVO CONFRATRI
 ÆVITERNÆ GLORIÆ VIGOR
 INDEFFICIENTIS SCIENTIÆ RADIX.
 BENE SENSATÆ RATIONIS RAMVS.
 OMNIGENÆ FELICITATIS VIRIDARIVM
 FAVSTIS SVCCESſuū VITIBVS PLANTATū & Radicatū,
 INIQVÆ SORTIS EXCLVDENDIS ARVIS DESTITVTū.
 VIRENTIS SANCTIMONIÆ FLOS
 NARCISSVS POTOCCIVS.
 Ex Vitz Illius Fructu, nullum malum carpet invidia;
 ILLE ENIM
 Singulis ad Exemplum,
 Omnibus ad Miraculum,
 Nemini ad scandalum.
 In Religione hunc unicum comisit excessum,
 quod singulos humilitate excesserit.
 Id non adimplevit Legis,
 Quod Ordinem suum Magnis adimpleverit Virtutibus.
 In eo non optemperavit,
 Quod deviz aliorum persuasioni non unquam obtēperaverit.
 Cum singulis in singulis adequatus
 A singulis utinam in unico adequandus!
 GENTILITIAE CRVCI
 Assentationis ornamenta, Fastidii apparatus,
 sciens non quadrare, Candidum non simulatum
 Se præstando, monstravit; monstrando præstitit.
 In bono, singulos sectans, in malo cunctos rectificans.
 Ab intaminato Iuventutis flore, intactus FLOS
 DEO DICATVS.
 Non in postura, ast in cordis Clausura
 SANCTIMONIAM REPRÆSENTANS,
 Non sàm annorum astantiâ, quàm stabilitatis constantiâ
 PERFECTIÖNEM FVNDANS,
 Non in dierum plenitudine, verum in virtutum amplitudine
 VITAM AGENS RELIGIOSI;
 ob quod immarcescibilis manet
 NARCISSVM CORONA.

PRO.

PROVINCIA SVO PROVINCIALI
 ROSETTUM AUGUSTINI
Indentis DEÆ non accrescens Zizanijs,
Expers spinosi aculei, molestia, & arumnarum,
 sub HORTVLANO PROVINCIAE
 NARCISSE POTOCCIO.
 Qui sine fastu gravis, sine remorsu beneficus.
 Aetatum, Hominum, & Orbis, Prodigium atq; stupor.
 Quam dignè & Sanctè ad Provincialatum devenerit,
 ex Vestigio DOMVS CRUCE Signatò collige,
 Quam stabiliter gesserit, ex SOLEA conijce.
 Super candelabrum exempli, Familiae positus,
 & Ceris Avitis fulsit, & virtutibus.
 VIR GENERE CLARUS, HONORE PROVINCIALIS,
 DOMO POTOCCIVS.
 Fide, Religione, & Bonitate,
 Provinciae, Dijs, Familiae Probatissimus.
 Quò magis ascendebat, excelsior,
 Quò plus umbram petebat, illustrior,
 Quò frequentius evitabat, curulum vicior.
 Factus, Redditus, Constitutus.
 In adversa Prior, in fausta ultimus.
 Vixit Bono Publico, Sibi moribundus.
 Invigilavit Familiae commodis, sui commodi nescius.
 Praefuit, praestq; suis Subditis Ipse Sibi non liber
 à vinculis charitatis, a falsijs dilectionis
 ut potè veri Nominis
 PROVINCIALIS.



PRO-

45
 PROVINCIA SVO EXPROVINCIALI
 Da planctus spongiam EX PROVINCIALI,
 Quæ dedisti Vas lætitiæ, Cor hilare PROVINCIALI
 NARCISSE POTOCCIO
 AUGUSTINIANA SOBOLES!
 En Ille! Qui suæ vestigiò SOLEÆ
 Errabundos in recti duxit tramitem,
 Virgam directionis reponit!
 En Ille! à Cujus CRUCE Sanctum habebatur Regimen,
 Non jam regit iussis, sed humilitate regitur,
 Dum ultro renuntiat Sceptris!
 Da maiorem! quæ conservationem dedisti.
 Cum dignus & sufficiens reputatus fuerit,
 Quem exoptent populi,
 Quem poscant Tiaræ,
 Quem ambient Fasces,
 Non exoptat,
 Non poscit,
 Non ambit
 Regimen, Tiaras, atq; Fasces.
 MIRARE!
 A faustis & in fausta,
 A prosperis ad adversa,
 A fortunata ad iniquam sortem
 TVVS quinam sit descensus,
 Dum ab altis ad ima descendit,
 NARCISSE.
 Vel ideo Altum Honoris meriturus gradum
 quia fugit eundem.



NAjora Tu obligasti NOMINI Tuo
memnosyna, illa scilicet: ut Te su-
per exedras zelosissimum, super ca-
thedras, eloquentissimum, super pulpita pe-
netrativum, super Bibliothecas subtilissimū
inscriberemus, sed quia hæc æternantis Tuæ
gloriæ inscripta sunt calculō, temporaneis
non justū duximus mandare paginis. Et
quanquam plūs ultrò & ultrò occurrant in
faciem à Te peracta laudabilia gesta, non
vnquam in vestiganda calamo facinora, di-
gnè celebrari nescia Indolis Tuæ magnalia,
ea cordetenus reservamus, id unicum cum
submissa NOMINIS TVI adoratione

Orbe corā revelantes, quòd FRA-

GRANTI VIRTVTIS & ME-

RITI ODORE redolens sis

NARCISSVS.

